

豫章叢書

第三三册

朝散集卷十四

宋 孔平仲 教父 著

啟

與衡州交代王諤

叨膺宸檢獲領州符夫何私幸之多乃繼大賢之後
方時凝沍與俗阜安恭惟神明扶持福履蕃茂伏以
某官清規冠世雅望映朝藹然循良之稱簡在睿明
之聰想卽趨於召節豈復待於合符顧茲冥頑加以
疲暮小知受大未明宣化之方舊政告新庶免空宣
之責更祈保衛少副瞻依

回衡州王守

比緣友契嘗寓音郵竊計賤誠已塵淨几方祈寒之
凝冽想冲履之靖康民載歌謠神增景福恭惟某官
自任甚重所居有聞矧將覲於闕庭卽超居於台省
更祈保育前對寵休

回衡州樂倅

久服聲華未瞻顏色茲緣被命乃獲爲僚先辱緘騰
益欽謙厚恭惟某官清明自炤純粹無瑕暫資別駕
之功卽膺鋒車之召嚴冬布序坦履多休更冀保調
別承寵渥

上湖南監司

明承宸命繆領州符夫何天幸之多獲託使封之末
熙春肇序刺部豐聞恭惟衛生有經擁福亡量伏以
某官清規冠世盛德儀朝簡在九重之知藹然入俊
之望持英蕩之節暫屈遠猷駕追鋒之車卽膺返召
更冀爲國自重副人所瞻

上長沙李帥

叨承宸命繆領州符夫何天幸之多獲託使封之末
熙春肇序菱舍多聞恭惟衛生有經擁福亡量伏以
某官清規映世盛德儀朝固結九重之知出當一面

之奇總軍民之政暫屈遠遊冠白閣之班卽膺迅召
更冀爲國自重副人所瞻

回趙憲

比緣便介賞貢柔緘未徹几格之間已蒙翰墨之賜
此蓋某官謙以牧已裕於接人略去威采之嚴仰認
眷與之厚卽當忝侍併叙腹心

又回衡守

比貢緘封想塵觀覽薦辱貽書之厚益知育德之謙
恭惟某官人材冠朝理狀名世介圭入覲已促行裝
細札成文卽膺褒詔眷序方半天倪愈和更冀保綏

前侯甄拔

又回銜倅

比貢 如前啟 恭惟某官人材冠朝理狀名世宣室方
思於賈誼海沂猶賴於王祥豈茲淹留卽有超拔方
熙春之布序想坦履之集休更冀保綏別承光寵

到任謝監司

竊以今之郡守古之諸侯付以千里之封疆叢然庶
事之根本惟良則治否則遂隳自顧愚蒙未始更練
尙賴光華之均被少容鷲養之自強恭惟某官器業
邁倫問望高世不動聲色百姓晏暘有所施爲郡吏

仰法但稟行於命令當粗免於譴訶贈係雖餘依歸
茲始

到任上執政

粗有民社蓋亦二千石之倫窮涉江湖其爲七百里
者伍婦乳野次舟毀石中驚魂莫招憂鬢都白以此
懲艾未塞愆尤自顧頑下之資素無當世之志沈迷
外補已度半生遲暮收還僅踰周歲以至江東京右
皆及終更督鑄按刑莫非待次旋濫居於省部卽仰
丐於州麾祇奉異恩復當煩使盜賊暴虐措置紕踈
宜其顯誅尙爾薄譴此蓋伏遇某官躬周召之懿佐

勛華之隆以仁存心以禮爲國鯨寡孤獨猶得其所
養蟲魚草木咸遂其爲生故茲冥頑未及竄戮某敢
不克己求復洗心自新庶幾力行可覆前過傳無求
備易不遐遺冀桑榆之可收終陶冶之大賜過此以
往未知所裁

到任回桂陽監司

比竊州符幸依隣庇方圖上計先辱貽書眷私之隆
感佩無斁陽和正盛吉履如何恭惟某官茂德有聞
敏政異等誓領于藩之寄卽承如緯之詞進陟顯榮
展盡底蘊更祈保育前對寵休

到任回隣郡

久別風儀闕修書問備員於此託庇有初特辱緘滕
頁感德誼此蓋某官敦睦隣之道推念舊之懷未獲
晤言益深瞻企熙春方盛敏政多聞更冀保綏前承
光寵

回臨江馬守

久欽譽望每想標儀剖竹分符近聞拜命維桑展敬
尙阻趨風方畏暑之在辰計集清之多福恭惟某官
器爲國寶才實吏師千里承流未展鵬圖之遠十行
促召卽膺虎詔之榮更冀順序保綏副人願望

賀新漕胡師文

伏審光膺詔綽榮總漕台已練剛辰來臨刺部凡居
統按孰不欣榮恭惟某官學惟儒宗行實世襲泰山
北斗悅服多士之心岷玉秋霜獨守古人之操西清
對召南郡試能果奉十行之褒移領之路之計恐未
暖席卽當賜環某朽薄常材衰遲末路幸依德庇尤
切懼悚

賀發運呂直父

竊審拜嘉十行總計八路練辰之吉視事有功恭惟
慶慰伏惟某官鈞璜華胄應宿名郎先帝之所深知

虞將清詔今上之所親擢入踐都公固當進列從班
日親晬表蓋以東南貨財所聚國家強富之原遂輟
通才來持重柄號令風采已絕後而光前獻納論思
諒匪朝而伊夕炎蒸無幾澄按多餘更冀上爲廟朝
倍調寢餼

賀提舉董必

竊審光膺宸告榮抗使旂練時之嘉綜事云始恭惟
歡慶伏以某官高才端世盛德儀朝固結九重之知
出當一道之寄法倚寬厚民歸教寧某叨守左符獲
依卿蔭其爲欣并實倍等夷

回監榔稅陳厚

伏承况書審已視事高才超越遠服屈蟠諒於轉漏
之間卽有賜環之命時寒方甚德殿若何更冀保綏
前對光寵

回武岡陶達

竊高下風未見君子首蒙緘翰仰認謙冲方春序之
薄寒想德履之多福某官天資庸敏吏事精明家承
騷雅之餘邑有絃歌之裕卽聞顯擢別踐亨涂更冀
保綏前對光寵

賀曾孝序

竊審拜嘉十行持憲一道練時之吉視事有初恭惟
權慶伏以某官天資高明朝望烜赫奉欽哉之美意
握使者之重權先聲所馳眾望咸聳諒卽趨於召節
豈久駕於輜車某罪戾之餘依仰爲幸

賀柯潛移廣帥

竊審升華東觀移鎮南邦恭惟歡慶伏以某官氣粹
而清量和以廣卓爲使者之表蔚有君子之稱以易
說之深則文學可見其一二以郡規之盡則政事已
著於平生果登寶秘之除仍兼綬拊之任名實相副
中外皆歡某濫剖郡符久依德庇其爲欣抃尤倍等

夷

上范堯夫

比者白旆經從賓閣造請獲贍溫暉道德之表仍接
豈弟忠信之談夫何晚生有此厚幸際違未幾鄉仰
增深卑不敢以瀆尊故馳書之稽緩貴每先於下賤
忽賜教以丁寧奉受以還震悚無已某官居舉夔之
位存孔孟之心進退出處之方已全大節倚伏往來
之理何待鄙言天祐善人上欽良弼更祈調護益保
康寧引領門牆拳拳何已

賀黃漕

竊審光奉宸恩榮總邦計凡居封部同切欣愉恭惟
歡慶伏以某官才推吏師聲軼世表薦更中外之重
深結聖神之知揭節鄉邦移使荆楚先有至和之氣
蔚爲大有之年百城坐清諸事迎集諒不朝夕卽還
朝廷方秋暑之向隆計天倪之益粹更祈調護前席
寵光

賀何魁

此賀虹橋何昌言狀元啟

近觀春榜伏審爲天下第一諒深慶慰竊以朝廷恢
儒之百年主上右文之今日大設科舉以籠英髦家
自謂懷琬球之珍人皆有蹙煙霄之志而乃冠冕多

士鼓鐘鴻名苟非異能曷副殊選某官南金奇質天
驥逸才門承碧落之華世擅白楊之俊鏗光滅采誰
昔知之騰實飛聲岷然如此誠江國之盛事資鄉人
之美談某素聯姻家兼接里閭松茂柏悅良切歡心
墨妙筆精先承榮翰其爲感悚何以諭言

回柳州畢朝請

言念昔聯榜契今託隣光承折簡之見貽審視事之
伊始神明來相福履益蕃恭惟某官華國以文範民
惟信提封千里已聞孺袴之謠細札十行卽有絲綸
之召更祈保衛前對寵光

回監司胥彥回

伏蒙惠書審已視事幸依餘潤良切歡心某官翰苑名家省闈清望暫領承宣之重卽膺褒召之榮更祈保綬以服光寵

上曾相公

伏審光膺制命榮正台司凡在陶鎔舉同慶抃天之最嗇者惟才與德人之難兼者曰位與時恭惟中書僕射相公聰明疏通強剛毅彌綸宇宙以自任酬酢事物而不勞才實有餘人所共服而又泰山以爲重陽春以爲和緩急疎密之得中小大遠近之無間

諄然德望簡在上心屢折不回所養有待今則處人
臣極摯之位當聖主眷遇之秋四者俱全千載罕有
自熙寧元豐至於紹聖由河東嶺外達乎高陽艱難
險阻莫不備詣東西南北率皆親歷凡是紛紜之世
變固已糜爛於胸中一旦自居於廟堂四海皆觀其
舉措必有以掃汎陳迹慰愜輿情有爲則成何遠不
到蕭曹丙魏之於漢房杜姚宋之於唐豈今不能在
我而已天下幸甚某脫身瘴嶺寄食江孺疾病侵加
骨肉飢凍緝羽乍離於網罟未息驚魂蓋戶忽聞於
雷霆粗回生意

上范右丞

恭審榮祿訓調進司筦轄陶鎔所暨鼓舞均歡伏以
受命之初修慶者眾莫非上方夔契下擬蕭曹某不
敢復引於古人所論止公之家世惟先文正佐我仁
皇雖處位不甚多時然爲烈獨高近古乞立皇姪則
維持萬世之策請舉縣令則救寧百姓之功至若瀕
昌相君實事宣仁哲考疏通無隱博厚有容當元祐
斥逐大臣遂辭魁柄暨紹聖報復舊怨又貢囊封橫
身以遏乎風波先見有同於蒼蔡仰承父兄之懿繼
踵廟堂之嚴恭惟右丞大中以智養恬以靜勝躁湛

如止水屹若泰山主上方委以政幾天下表服其德
量其爲歲月當多於文正之日若論時節又異乎穎
昌之朝必能罄真節以弼亮一人盡公心以進退多
士義之與比知無不爲慰華夏之具瞻成門庭之盛
美如堂之肯構如篋之和塤某昨在奉常每聆餘誨
竊服識度之遠嘗叙拜起之恭自顧瘴癘之餘豈復
冠冕之望羈羽乍離於羅網未息驚魂鰓戶忽聞於
雷霆粗萌生意

與臨江新守王戊

昔居蠻舍嘗接俊游絕足騰驥逸雲霄而自致飄蓬

南北悵音驛之莫通忽奉緘騰尤見德誼且審分符
鄉壘假道督藩風波恬安寢食佳吉恭惟知郡承議
高才美行博學懿文附風拔龍雖自稱七十子之舊
維柔與梓固已在二千石之尊某患難餘生衰遲未
路喜將觀語慰所詠思更祈保調前對休渥、

與臨江守曾孝蘊

言念久仰風猷未贈標矩在兄弟之列忝有葭華之
親於父母之邦當叙桑梓之敬方時凝沍所履綬寧
炳惟退食之餘茂集衛生之福恭以某官參元慶育
時相名家志氣清剛才調膚敏繡衣持斧光華叶遣

使之詩皂蓋兩轡平易多近民之政諒不朝夕卽還
闕庭更冀順序保頤對國休寵

上永興知府

竊審拜恩日下領帥關中已擇便時奉宣溫詔伏惟
歡慶恭以某官剛方有守簡樸寡言凜然直聲播在
公論雖從官出入無內外之異然正人去就亦休戚
所關佇聞召還以起士氣某幸同封壤將接教言欣
抃之私敷宣莫突

上慶帥待郎

言念仰高有素承教無階比緣職事之同妄意瞻依

之幸已聞驛召入處從班敬惟泊任之餘茂集衛生
之福恭以某官天麟華胄國棟上材游更中外之繁
蔚著聲實之美持橐簪筆常近天子之光卧鼓滅鋒
又奮西域之略果膺渥洎復踐禁嚴諫由此塗卽濟
大用首春料峭行旆雍容更冀保綏少符祝詠

與王謙大夫

近緣歸鞅嘗造便齋雖喜金聲之大成然驚玉貌之
微瘦竊自比於朋友蓬蒿貢於箴規受責如流者實
古人之所難無言不酬而枉尺牘以爲報感愧之意
敷述莫殫氣方炎蒸物或流隸乃月令齊戒之際實

大易開關之時更冀保綏少符祝頌

上慶州胡寶文

竊審已揭高牙來殿西部共懷歡慶伏以某官博學能文而通當世之務厚德重望而挾過人之才蔚爲名臣偶在當宁眷慶陽之舊治深召伯之去思民喜再臨郡迎無事藹然一方之和氣屹若萬里之長城顧茲衰遲託在蔭映其爲扑蹈尤倍等夷

永興到任謝兩府

朝廷考隆嗑之義而慎刑誦皇華之詩而遣使蓋欲情無不得寃有所伸儻非膚敏之才孰副哀矜之意

某江湖寒迹瘴癘餘生少而鈍昏老益疲曳南宮襍
被曾無補於秋毫西部襄帷猶俾司於邦憲雖云舊
物實出新恩此蓋伏遇某官以皋夔之賢佐堯舜之
盛挈維天下之重簡拔人材之長大治躍金靡問折
鉤之味良醫差藥不遺敗藪之皮故此末愚亦蒙厲
便某謹當宣天子之德澤廣大臣之仁心庶收微勞
仰助鴻化

上李蔡中

言念棟簪聯科每懷先契銅山督鑄嘗託使華今茲
承乏於輜車方欲修誠於記室先蒙緘翰倍切感銘

恭惟某官朝之者英士所矜式真詞均逸當增粹於
天倪溫詔促還卽承休於帝眷中冬布序西土沍寒
仰冀綏靈庶符瞻頌

回李中大賀冬

云回提舉宮使
李中大冬狀

伏以觀雲普瑞揆日迎長復其見天地之心靜以待
陰陽之定恭惟某官五朝舊德八秩耆年自承穀旦
之祥益有秀眉之慶方圖修賀先辱惠音感佩之誠
敷宣罔既

與王龍圖子澤

都城奏記闕右嗣音湛浮尚滯於置郵悵悞未塵於

專禮集卷十四
十三
聽覽伏承惠教仰荷撝謙方冬正寒所履何似某官
才猷超邁氣韻疏明白結九重之知出當一面之寄
奮西域之略決取定遠之封受宣室之釐卽前賈誼
之席更祈調護別對寵光

上慶州徐帥

近馳翰墨當淹聰明睹伉步之踵門捧珍題而置袖
仰認眷遇內增感銘方春向和視履何似恭惟某官
忠信爲之裏清明發於躬輟仙殿之近班捍鬼方之
堅敵靜勝之略已收功於笑談論思之才復歸上之
左右更冀善調養寢進陟廟堂

又

比緣職事獲睹光儀屢陪樽下篤密之談頗見胸中
精粹之地聞遠未幾鄉仰已深伏惟跋履差勞寢餐
多吉恭以某官博學高識直道正言所有明白而不
欺每事整齊而可法曾是愚拙得承緒餘雖京兆之
日不長亦思必葺然召南之愛猶在以蒙有成更願
教之不勝幸甚暄妍將半參侍正除切冀順序綏寧

副人瞻望

答鮮仲杜擇謝薦

比以名實薦之朝廷自願言輕聊爲腹背之助過承

善惡乃善惡結之珍某官潔廉無私強直不撓淮南
退去當養精神隨有盡來又觀敏手搏扶搖之翼自
有遠圖豈萍泡之屬何賈末飾但深感并無以喻云

與邠州王通判

起結同前

資性剛明緣飾文雅賈生前席自合召還仲舉題與
尙淹關決

上慶帥胡淳夫

言念柱籍登科已叨契素棣華出使又辱交承未款
曲於教言每苑結於心曲比審召還法從移殿大邦
恭惟冒涉之勤休有保頤之吉伏以某官高才絕世

盛德冠朝荐更中外之繁蔚著聲實之美願慶陽之
舊治結召伯之去思暫煩師帥之臨卽預凝丞之選
更祈調護前對寵光

答延安張通判

伏審涓擇吉日次貳大邦承書見貽荷意良善恭以
某官秉心正直蒞事清通圭璋有特達之姿松柏著
後凋之節民安豈弟已歌別駕之功朝用俊良卽走
銜車之召更祈調護前對寵休

問侯徐侍郎

近貢柔絨未塵淨几已蒙損教尤荷撝謙方熙春之

布和計祥履之多吉恭惟某官得儒者之實守古人
之中入爲侍從之元出號師帥之表穆然遺愛播有
歡話何幸斗筲得循軌轍作事可法皆謂徐公之有
常主善爲師庶幾孔子之母我晤瞻尙逸跂嚮增勞
更冀保綏卽躋鄰近

上同州張侍郎

言念桂籍同升蓬山並進瀟湘接壤常借餘光關陝
提封又依盛德伏審暫還里舍已揭使牙恭惟填撫
之初休有保頤之吉某官性剛不撓氣勁敢言堂堂
西土之豪凜凜古人之節固宜在上左右獻納論思

然且觀天運行盈虛消息佇聞驛召少副士心方春
已深承教猶遜敢祈調護前對寵休

與運使曾孝廣

竊審入承渥洽出領轉輸涓擇惟時臨莅所部諒深
慶慰恭惟某官參元華胄將相名家洊更中外之繁
蔚著聲實之美朝廷以監池未復錢幣方苛故擇超
卓之才來紓空乏之患佇有成績入屆近班某備使
祥刑假守窮塞方依德庇尤切歡心

上陝府楊侍郎

言念千佛題名叨居榜末六卿分職實隸省中方大

施之西來值單車之遠適尙穉修閭乃辱况書喜聆
填撫之初休有保頤之吉恭惟某官剛方有守忠厚
不悅獻納論思入持從官之橐承流宣化出箱太守
之章想坐席之未溫已賜環而來召更祈調護前對
寵休

上都運孫龍圖

竊審光奉異恩總司外計涓辰之吉視事有初恭惟
歡慶伏以某官質厚而文強直以恕奉使得張綱之
節去凶有大舜之功自當日侍宸旒徑登從橐方陝
右貨財之窘控虜人道路之衝踟屈長才就凝丕績

計不暖席卽復賜環某備員祥刑假守窮塞幸依庇
覆尤切欣愉

上安觀文

言念比經莫府獲造崇墉猥以蹇淺之資仰次爰煌
之座伏蒙待以寬厚與之從容氣重而色莊語簡而
誠至蔚然先進之風度結在中藏之感銘違離幾時
跋疇盈抱恭惟某官識居賢者之大覺在斯民之先
出入王朝始終一節棟宇掃地靈光獨存波濤滔天
砥柱不動天生才必有所用人積莖乃謂之公當在
刻漏之間卽正魁柄之任某江湖寒迹瘴癘餘生名

韓集卷十四
十一
挂三千年垂六十方期洗滌得爲太平之民更賴陶
銘使免失所之歎炎蒸在候息偃多宜更冀保養庶
符祝詠

楚守呂朝奉

言念昔年邂逅嘗規標儀末路漂流偶居比近不特
杜門使令之乏又且伏枕疲薶之餘上問稽遲勸風
勤切時屬嚴凝之正郡多宣布之間恭惟不爽生經
益蕃福舍某官降才庸敏稟性淑清蔚然將相之家
藉甚朝野之譽高牙千里已騰稱袴之謠溫詔十行
卽捧絲綸之召更冀爲國調護副人願瞻

官輿謝教政

備員闕右無補毫分奇食淮南方淪涼餒忽遂真祠
之請稍寬涸轍之憂祇奉龍靈但深感涕言念某技
能底下齒髮早衰自脫瘴鄉屢嬰危病羸形骸之久
瘁何仕宦之能堪儻真閑官尙沾薄俸是爲得計今
乃拜恩惟愚所蒙於分已過此蓋伏遇某官以皋夔
之烈佐勛華之明開大公之門庭持至平之衡鑒庶
人不求備待物必以誠鯨寡孤獨皆免於阨危豚魚
草木悉歸於涵覆故茲蹇淺亦在甄收况涖泗乃先
祖之鄉而黃老垂大道之教杜門養性庶全蕭艾之

生克已追冠猶冀桑梓之懷誓堅晚節仰報化鈞

謝兩府啟

一作代人

若稽堯舜蓋重乎省方施及漢唐乃勤於遣使所以
代一人之耳目振諸郡之紀綱澄察汗廣詢求疾苦
况熙朝之越吉有多士之宣朝宜得卷阿之賢以當
清詔之任乃可奉宣溫厚開發光華如某者學不足
以造聖人之微識不足以該天下之變濫從簪版積
有歲時亦嘗三駕輶軒再臨南服川塗繚繞瘴癘侵
加觸目異邦嘆海鳶之墮水馳神故國同胡馬之嘶
風思許還台中蒙易地循江而左擁節以趨而夕錫

服兼金進階一等谿山秀麗包全楚之遺墟財力富
饒值元豐之樂歲粗安愚拙祇荷寵靈此蓋伏遇一
參政大中博雅疎通嘉厚純粹貴絕百辟而不遺至
賤賢蓋一世而不間甚愚伯樂之門而驚良各獲其
用匠石之手而短長皆盡其材 參政謹厚爲豐鮮
明固守自許以舉夔之器其進得羲軒之時變理天
元運璿璣之七政主張士類凝坏治之一陶樞密以
經綸之材居幾要之地文雅方略上當乎主意號令
風采遠繼於古人進退百僚陪廟堂之密論協同一
德恢社稷之遠圖 史館相公以道得君推誠馭下

獨當宰席之重兼取人材之多北斗之建四時但持
以正良工之度聚木各任所長 遂至空疎尙塵囂
策敢不佩韋戒急食藥守清治國若烹小鮮惟求安
靜使民如承大祭益務端莊庶成不擾之功少助無
爲之欲

代謝舉薦

罷官嶺外得仕江東大邑庇身所宜慎擇小材累日
亦獲冒居覲然厚顏亡以自處伏念某生於卑薄之
域長自單平之家偶釋耒耜之勞得從詩禮之習一
塵吏牒十易年華向者從辟海陬贊謀幕府敗軍殺

將嗟庸帥之無功曲突徙薪恨鄙言之不用慨然請
罷不肯復留出於先幾乃勉從坐伏波銅柱頗有素
心武城牛刀又還舊物以夷易險從死得生幸雖自
天恩固有地此蓋伏遇某官至誠樂取偉度并容憐
其有尺寸之長借之以齒牙之論致茲不肖得以自
全况今所臨自昔多事薄書抗禦獄訟浩繁又况李
唐輔之仙鄉金君卿之仁里雖二人之積惡乃平日
之深仇或惡貫之已亡或尸居之尙在雖未能斷指
而逞怨亦可以破柱而取姦幸當使者之澄清敢報
古人之睚眦乃使強宗屏氣豪族吞聲撫循善良存

養孤獨至於舊政有不宜于俗新法有不便於民並當改爲無所忌憚誓殫狂直上答恩知

賀安龍圖

拜寵中宸升華內閣正人光顯公議歡愉恭惟某官居今之時行古之道向緣宰屬出使海邦論恩德於要荒仗忠信於險阻天心佑助帝眷忠嘉峻直諫之班聯綜內相之誥命倦承明之直遽請便麾受宣室之釐益思高誼未暇六條之布已嚴一節之趨屢對清闈遂留華密惟器識宏遠有大臣之體而襟度夷粹非常人可規想階此塗別陟要用某馳驅外職

瞻仰高閎聞成命之已行撫懦衷而竊抃

上王學士元澤一作代人

伏審錫命宸廷正名冊府英材漸進公議均歡恭惟
某官槐嶽名家璧琮瑞器以學顯於當世其行過乎
古人慎密溫恭孝友祇肅雖上承於世美亦自出於
天成簡在淵衷擢居清職繙禁白之秘藏納東觀之
遺文況有同生之符佇聞隔坐之盛金門布武從容
班馬之游玉鉉承休烜赫韋平之業願惟陋質恩出
相君屬守外官迹遙材館其爲慰并莫可指陳

賀何運判

朝野集卷十
伏審拜嘉言綽進等郎曹恭惟懽慶某官鮮明固守
清約不煩規矩一身風采諸郡師古人之遺直宣使
者之遠華善聲聞朝優詔增秩視哀鳥之次益峻官
聯馳追鋒之輪卽嚴召節服勞在道展慶無階慰抃
之私敷宣莫究

謝解州太守

被命按刑依仁甚幸馳書講禮荷意良勤恭惟某官
以膺敏之材當師帥之任民安豈弟已聞襦袴之譟
朝用循良卽有絲綸之命更希保裔前對寵光

代廣州到任謝執政啟

海邦重鎮仙殿美名付之罪戾之餘出自陶鎔之賜
循涯知幸拜命若驚某學問不足以知先王政事不
足以名當世頃塵侍從上辱使令偶逃鈇鉞之誅自
屏山林之久中蒙湔洗稍預甄收從真館之散曹得
徧州之假守始見民吏奉宣教條豈謂坐席未安除
詔已下還修書之舊物錫踰嶺之新章便蕃寵休感
激涕泗此蓋伏遇某官以太平之心許國以至公之
道使人大治躍金甌間折鈎之喙良醫差藥兼存敗
鼓之皮致此廢遺尙在驅策惟番禺之險阻控蠻徼
之要衝兵師所屯民物甚盛所當精明武備震遏姦

朝散集卷十四終
萌修之廟堂固有暨南之教守之邊鄙敢希制輿之
寄庶効絲毫仰裨造化

朝散集卷十五

宋 孔平仲 毅父 著

啟狀

謝運判

比緣到任先已馳書郵置未通緘滕見及仰認謙抑
內深感藏恭惟某官受才高明臨事清約歲計有邱
山之積邊防無烽燧之驚諒不崇朝卽成迅召方當
凝涇更覲保綏

謝月望

歲律崢嶸月規圓滿恭惟耆德茂擁繁禧先辱緘封

內深感佩

謝弓箭手提舉

欽風有素拜德無階忽辱緘封仰認眷與某才能超
越聞筌輝華暫屈馬政之勞卽承驛召之寵更祈保
厚前迓寵休

謝通判

近飾單車嘗經幽邑側聆大旆暫屈慶陽特承折簡
之勤喜聞視履之吉願少留宿使接從容

代謝提點舉監酒稅

伏蒙照牒舉某監陳留縣酒稅者竊以保任之法於

今爲難特違之知自古所重聞命之始猶躬若驚某
生於卑薄之鄉長無洪秀之譽尋師問友雖曰苦心
發策決科未見成效例落一命行且十年嘗戀親聞
闕疎仕版泰山北斗每高長者之風崑玉秋霜實激
懦夫之氣固欲擢衣承教擁簪掃門不敢通咫尺之
書未嘗干左右之助豈意驟加采拔首被薦論此蓋
伏遇某官操無黨之平廓不同之大議論抗直不爲
流俗之所移志節修明自與先民而爲伍故於取予
之際尤見好惡之公最爾末愚出於推擇良醫畜藥
不遺敗鼓之皮大泊羸金奚取折鈞之喙欲報之德

矢死驅他然而鸚章朝騰驛詔暮下一顧增價知已
出於至誠九伐及泉願更終於大賜

謝判府待制回書

伏蒙白慈特貽寵教詞高勳散氣傑淵水一昨聞陞
法從之華就領名城之重自惟冗漢方事威嚴託迹
旌麾敢論雅眷厠名台隸但貢公函豈期謙收之光
荐枉言酬之賜丁寶溢幅縵縵由衷不徒見風誼之
隆又以知度量之大恭惟某官聲名蓋乎天下器業
邁乎古人自當幹旋樞機步武廊廟想非外補所可
久留

回華州知州

光奉宸綸榮臨蕃服練時之吉觀事有初某官名世
高才盛年應仕承流宣化暫分師帥之權顯忠遂良
卽有褒升之寵先承緘翰尤切感銘

回鄭氏定禮

負慕高門蓋非一日之積寅練宿契乃交二族之和
伏承賢郎克紹家聲未諧伉儷以某女粗知姆教欲
議婚姻敢敬佩於德音願永聯於親好有少報禮具
如別封

代賀李舒州

伏審光膺溫粹移典名城恭惟權慶伏以某官忠厚
秉心惠和敷政禮樂瞻乎先進典刑屬乎老成動皆
可師至必稱治解劇煩於故楚就偃息於羣舒喬木
相望咫尺故鄉之地小棠多暇從容宴俎之歡朝廷
素重於才猷旦暮別逸於寵渥更祈保練少副顯言

代賀馮當世

伏審光膺詔綽榮貳樞庭凡在陶鎔率深慶并恭惟
某官氣儲川嶽學際天人冠乎海內之豪蔚然王者
之佐丹青七主之制根本諸夏之風出爲長攝入則
獨步惟謀猷之愈茂在眷注以加隆倚重將明之才

陞華宥密之地運奇帷幄內握五兵之符禦侮邊陲
坐制四夷之勝佇建非常之效進居爰立之司某越
在湖邦阻趨台座竊聆成命但切懼心

代賀廣帥

伏審拜嘉細書移鎮南服恭惟慶慰某官天儲間氣
時企絕游翱翔清華繇歷中外藹然搢紳之望簡在
當宁之知弭玉節於閩鄉徙金城於越徼大旆來臨
於五嶺先聲已震於百蠻佇有成功別膺召節更祈
保練少副願贍

代賀李南公

光奉茂恩榮參外計恭惟懽慶伏以某官天儲秀氣
時企絕游所臨皆宜自任以重太上講裕民之政明
公宣出使之華從容方統於事功赫奕就兼於潛戴
駸驥千里式當遵路之初鴻鵠高飛行展摩霄之勢
願惟壤接幸託鄰庠更冀保調別迎寵渥

代賀曾相

辭榮上相峻秩三公秘琳館之清游擁藩旄而兼鎮
簪紳聳嘆典冊增華恭以某官海嶽純靈邦家元輔
紀綱萬事之正柱石三朝之安功蓋天下而不居德
慕古人之知退想還機要遂養恬愉杜佑李靖之將

休尚參軍國之重孔光張禹之既老但趨朔望之朝
曷若拂衣黃閣以獨高前席清光而屢對誠近世希
闊之典實名臣出處之榮雖几杖之燕閒然棟梁之
倚賴蒼生頌乎遺愛上意倚乎老成周公之不去京
師可知聖眷裴度之累居台鼎佇復冢司某夙以瓊
材出於鈞播側聆盛節但切歡心

代與孫珪

伏審光膺優渥榮領轉輸恭惟歡慶伏以某官朝之
後明時有問望彌成大農之政輔宣京兆之風上結
宸衷外分使指洞庭之野乃經制之嘗游皇華之官

身書集卷十五
三
展澄清之素志惟眇然之無似辱賢者之相承叨康
久居豈有告新之政脂車入覲莫諾道舊之歡企向
之深敷宣易悉

代越州與兩浙漕

比者叨奉宸俞濫當郡寄分一麾之守深愧非才瞻
二使之星幸依餘蔭物方嚙茂俗已澄清伏惟衛生
有經介福無量恭以某官天資真粹德宇端深對越
重熙之辰藹然八俊之任陽開陰闔宣至信於百城
嶽鎮淵停示大體於羣吏遠而著皇皇之美畜焉有
暴暴之量內吉外安實茂名美當太上總核之日

賢者協贊之秋趨節之榮倚席可俟

代與兩浙憲

叨奉宸俞謚當郡寄分一麾之守深愧非才瞻二使
之星幸依餘蔭春華寢盛德宇彌冲緬惟澄清之餘
坐迥浩大之顯恭以某官精明照俗端厚鎮浮仰奉
欽哉之仁出擢使者之職平亭庶獄震肅百城吏絕
舞文之姦民有措手之裕協氣流於歌頌駿望簡乎
冕旒趨節之榮倚席可俟

代賀韓樞密

伏審光奉制麻榮陪樞府陶鎔所暨鼓舞皆和恭惟

某官偉量鎮時溫詞賁國博通遠覽議論冠乎廷中
固執敢爲風采傾乎天下累易優崇之寄荐揚駿大
之聲搢紳之譽藹然當宁之心簡在果膺綽綽兼總
機衡以文武之全能持邦家之重柄坐謀帷幄外侮
爲之澄清入侍冕旒多士由而進退四方取重萬化
倚平某賦質荒疎荷知深厚江湖滯迹阻趨台坐之
榮煌草木微生願託大鈞之塊土

代賀邵三司

伏審光奉細書榮司大計有議相慶不謀同辭恭惟
某官朝之老成上所深注外踐揚於煩要入翔蒿於

清華仙殿演詞才高於蘇李神都秉政聲軼於趙張
方仰給於邦儲故倚成於心畫大宰總乎九賦司空
奏乎十條用既省則財豐力有餘而敵屈停凝美績
進陟近司某賦分卑涼荷恩深厚聞良臣之進用與
多士以皆僉屬赴湖邦阻趨台屏

代謝諸公啟

誤當器使已不克堪忽被寵光彌深震越言念某論
才則下議爵則卑蒙收寸長使按一道居懷感激思
有報償然而智少不可以多圖力薄不可以重任坐
糜俸廩蔑補涓埃三載黜幽方虞罪去十行細札乃

獲序升幸實自天恩亦有地此蓋伏遇某官以孔子
之言治己以周公之志事君直道追三代而行求備
無一人之責以爲功雖未著心亦已勤乃賜甄明俾
預遷進敢不淬磨鈍質鞭策駑蹏操以必行上助千
將之斷奮而自効終酬伯樂之知

代謝執政

備員真館追省愆尤假守便藩仰蒙滌洗榮踰分外
感溢情端某學不足以知方智不足以適變濫巾侍
從辱命使令事甚大而術疏罪既深而罰重柄遲去
國荏苒積年方且自屏巖谷之中絕望霄漢之表宣

期起之散地畀以半符惟是永陽僻居淮右溪山秀
麗民物阜安以養不才又爲至幸此蓋伏遇某官將
明秉德忠恕存心調燮天元運璿璣之七政主張士
類凝罔治之一陶矜憐蠢愚閔惻孤賤致茲廢放預
在甄收某敢不懲艾既往之非激昂已歸之氣庶全
薄效上答鴻施

監司先狀

屏迹山間已無榮望假麾淮右俄被寬恩起於罪廢
之餘託在按澄之末瞻星引領涓日就涂伏惟某官
盛德在躬至誠格物進當清詔之任出有皇華之輝

何幸衰遲乃依麻庇沿流甚速敢怠於王程荏履匪
遙卽披於使表

到任謝啟

叨奉宸恩忝司郡寄已擇時日來見吏民願僻壤之
甚微布寬條而伊始苦無公事素號安閑遠有使華
上承庇映循涯感幸託迹光華恭惟某官以彌綸之
材當澄接之任陽開陰闔示至信於百城嶽鎮淵渟
敦大體於郡吏况茲隸屬得所稟承患難餘生凡百
益知於恐懼仁明當路庶幾更賜於存全

與臨江守

向聞高牙出鎮郡服賤官而在遠造興謁以無階
歲月已賒竿牘不講白知簡息常負統皇方此大冬
之嚴仰惟冲履之素恭以某官積之中者游夏淵源
之學畧之外者龔黃豈弟之風藹然民謠簡在朝聽
佇登不次之用以究有餘之才更冀順序保調對時
光寵

與撫守

屬者較藝大邦曳裾崇仍推誠降挹費賤無相間之
容以禮顧存終始有非常之厚自違盛德尤結懦衷
方素節之戒涼計黃堂之富暇衛生無恙擁福自天

恭惟某官謙靜宅心寬明存已當刑政之繁劇處之
有餘謂風俗之澆浮鎮以至靜聲望之著朝廷所知
不次之褒可倚而俟更祈順時頤愛對國寵休

上府判學士 前任監司

言念曩者使車接行江左陽開陰闔宜至信於百城
拱鎮淵停示大體於羣吏惟是初官之鄙陋方拘外
邑之簿書辱憐寒微移處親近天機甚淺吏事不更
博愛所忘有請必造以至閨門之私褻亦干旌節之
威嚴上賴并容不加攢斥當明公被召之日廼賤迹
失庇之私留滯於兼昏之墟徬徨於西安之野山川

之阻未嘗得望於舳舻郵置不通無使可修於書問
感激恩德馳驚精神方拏斂之戒期計總理之多暇
神來左右福有浩穰恭惟某官端良之性得之於天
誠信之符不欺於物文學之富進居內閣之華政事
之優參知赤縣之治掃去積弊幅除大豪搢紳之譽
藹然當宁之心簡在不日大用副人所瞻某夙荷記
存尙迷鞅掌提衡所及企足以須

與臨江守

言念傾風有素拜德無階聞出鎮於敵邦值服勞於
下邑紛紜簿領之後缺畧竿牘之馳方素節之戒涼

計黃堂之富暇申申養性簡簡備休恭惟某官公想
宅心寬明秉德當刑政之繁劇處之有餘欲風俗之
澄清鎮以至靜聲績之著朝廷所高不次之升可倚
而俟某濫巾從仕屬籍爲民代以及瓜將還於故土
恭施維梓當伏於崇墉欣抃之深敷宣莫究

回石大博

昔者登科幸拔俊軌今茲假守竊在仙邦紛紜簿書
之勞缺畧竿牘之獻敢圖謙厚特枉臧騰喜聞燕處
之餘休有履祥之集恭惟某官高風激俗清德映時
辭榮振鷺之行成樂冥鴻之趣優游文史嘯傲琴樽

悵俗事之相嬰接緒言而尙阻切祈保衛以永康寧

回石長官

廣寒唱第嘗接英躔會計分符幸依仁里方簿書之
少暇故竿牘之後時豈期風義之忘懷特枉緘牒而
爲覲丁寧溢幅感激填膺恭惟某官沛然餘才屈在
小邑汲黯有恥爲之意陶潛與歸去之歌優游自養
者十年靜嘿不交於當世悵印章之有守陪談塵以
無階切冀保調以俟休寵

賀李邦直

伏審拜嘉言綉進職禁林凡在傳聞莫不欣喜恭惟

某官天資貞敏物望清明篤實發乎輝光精微先乎
廣大承仙李之華胄丁育莪之盛辰養成羽儀自致
霄漢賢科決策有公孫鼂董之文章信史屬辭繼左
氏遷固之筆削遂升法從以掌命書風隔擢華始更
歲驚金坡入直益峻官聯極儒者之榮名厭天下之
公論佇由內相卽踐近司某身繫江湖迹遙屏著側
聆成命倍切懽悰

賀張內翰

伏審拜命殊廷升華內相英材進用公議均懽恭惟
某官性稟粹靈學該分際肅括以爲之外和順以積

諸中從容自合於準繩慷慨每懷平風采諫垣削草
居多造膝之言計省運籌深得阜財之術遂司詔命
益者猷爲炳然有三代之風恢乎如七主之制果膺
溫粹進踐禁塗儒効益尊士望增重歷觀圭衮之選
皆自禁臣况襲箕裘之餘卽還舊物某越居外職阻
遠高閭喜井之私指陳莫究

賀李資深

伏審拜寵闕庭正名禁掖搢紳竦歎朝野忻愉恭惟
某官氣鍾川嶽學際天人冠乎海內之英蔚爲王者
之佐開拓土宇威名鎮乎四夷阜通貨財惠澤施乎

一世未離鄉邑已陟禁塗既至闕廷益隆脣舂文章
足以追復古始論議足以折衷臣工器無不宜道素
相合果進陪於大柄尙未究於遠猷赫赫卹旂當承
卅業煌煌周袞卽正台階某迹抗塵冥託身鈞播側
聆成命倍切懽心

賀舒信道

伏審拜寵內廷升華左史英材進用輿議協同恭惟
某官羽儀天朝冠冕士類體仁而裕從容於美氣和
風秉氣以剛慷慨於危言數論踐英台之雄職袖金
匱之秘文地嚴清規忠貫白日人皆服其有器識上

方尙以爲公卿果由司憲之尊遂陟詔言之重持囊
簪筆彌近清光論道經邦尙多素蘊想在旦夕卽居
彌諧某祇局東南宅心左右側聆成命倍切權煇

賀王正仲

伏審顯膺寵數進掌命書儒林光輝物論慶快恭惟
某官海宇偉望朝廷正人特操立乎天地之間高誼
出乎世俗之表言與行應初無久渝淵衷自知清節
彌峻校讐天祿之閣紬繹太史之編方朔瞻詞董狐
直筆自躋均之近密升鳳閣之高華議論足以增重
本朝文章足以宣明上德發號出令由此迨三代之

風顧問論思不日參四鄰之列某恪居官次阻望台
光聞成命之已行撫懦衷而增抃

賀王和甫

伏審拜命內廷卽真西掖儒林相慶物論均懽某官
學造精微文足經緯藉甚天下之望蔚然王佐之材
出臨方州政事著於雅俗入居省計議論動乎前旒
遂參掌於訓辭曾未踰於歲月發明上指爛兮雲漢
之章布聞方來沛乎雲雨之制號乎稱職旋已正名
自古相門必生輔弼况今從橐多秉鈞衡佇繇此塗
卽預大柄某驅馳江國瞻望台閣慰抃之私倍萬常

等

代宋彭年邢州謝執政

九農備位常深負乘之憂千里分封猶竊藩籬之寄
已擇時日來見吏民祇服寬恩但增感泣某斗筭賤
器蠅螻微材蒙先帝之誤知越眾人而進用庶幾一
剖報塞萬分然而事有出於形似之間言又得之風
聞之際指爲罪彙何以自明賴在陶鈞止從外補此
蓋伏遇某官行天下之正道用大臣之仁心繩墨無
曲直之欺器皿惟小大之任遂令孤陋偶脫阨危爲
郡之優於身則便然以親年之暮久安京兆之居一

昨揭節江西賜環日下獲就晨昏之養少寬喜懼之懷今復遠來未敢自請望惟陟岵豈勝犬馬之心泣或向隅尙果陰陽之氣預陳悃悃仰叩高明

代宋彭年未到任先上監司

叨膺朝綽獲縮郡章待瓜戍之期猶居轂下託巖宇之庇適在部中自省寅緣豈勝喜幸方春和之駘蕩計事務之優游休有福祥來相賢哲恭惟某官清規照俗盛德軼倫自結九重之知出當一道之寄鎮以大體藉然美聲方求才如飢渴之時顧在外非徂翔之地不次之用可倚而須某稟質顛蒙賦性奇蹇門

墮不遠將卒侍於教言日月尚賒恐尤趨於召節
恫之惻敷述奚殫切冀爲國保綏副人瞻願

代范成老謝解

伏觀解榜叨預薦名恭惟朝廷狀詩賦之積弊故改
用專經之科惡傳注之多門故盡變先儒之學上以
此而取士下靡然而嚮風爭爲瑰琦以合好尚言易
則詆毀輔嗣論禮則排擯康成以至他書並從親見
得先生之餘議而不究言象之所忘承流俗之傳聞
而不察口耳之多妄於是陷於詭譎失其本真必欲
求深而自成於淺近必欲立異而返至於迂疎數年

以來茲患尤熾長者廢忘而不講後生忽略以何知
間其所習則自謂造於聖人詰其所譏則或未通於
舊說此皆矯枉太過之失何異望風大罵之狂相與
汨沒於末流殊失表章之本意思之所見獨異于茲
以爲溫故而知新通今而博古今未必全是古未必
全非新不可不知故不可不攷譬之盡識物賈然後
商其貴賤周知地理然後指其東西平心以觀所存
正議以決其可庶幾古之士守己之篤亦剛上之人
無我之公向於場屋之間輒取注疏之當好其所惡
異其所同得笑友朋贈諍鄉曲皆謂親垂白而待養

勢久窒而期通方有司操法度之嚴而出語犯忌諱
之大自謀何拙必斥亡疑豈意伏遇某官爲道主盟
以理折衷以當世所共尊而果於自用眾人所不讀
而拾其遺餘憐其有特立之操拔之於幾黜之險夫
宜喪而得則某微幸之已甚當奪而予則公之自任
者如何烏乎使天下之人皆如公之用心使天下之
士皆如某之被選則風俗安有不勸道德何患不明
感恩固重於邱山厲已更期於終始庶無愧怍以報
甄收

代賀王副樞

伏審光奉制書峻陟樞管文儒登用罄宇均歡竊以朝廷外建將帥之任以折服四夷內重輔佛之臣以調齊萬務若夫出宣威略入贊幾微宜有天下之兼才以當人主之注意恭惟某官高明而閱大嚴重而沉深經緯以文震耀以武縱橫鼉董之事業慷慨衛霍之功名嚮自賓筵遂專師律騰凌霄漢之勢曾不五年斥大山河之封連取六郡固已抗稜沙漠奏凱京師上方欲焚老上之區攜羗人之種以威望之已著與心德之相同乃召寘於廟堂將就咨於籌策夫以臣得君則計無不用由中制外則事易以成况醜

虜積燹之百年而英斷必行之今日佇凝玉績卽乘
洪鈞某素荷知憐側聆進拜大厦之建知柱石之已
安霖雨將興與虫魚而並躍屬拘郡級阻造台屏

口號

同天節口號

伏以熙朝啟祚運乘火德之災膺主挺生時得陽明
之正聲傳里社慶溢寰區望雲日以馳誠儼衣冠而
就列恭惟皇帝陛下聰明冠古端默臨邦承五聖之
丕基享八方之大奉乾開而坤闔雷動而氣行禮樂
備乎太平刑政收於獨斷神人蒙福夷夏宅心式當

出震之休辰同致祝堯之普頌壽萬千歲上齊箕翼
之明卜七百年長保闕陵之固

臣等云云

千秋嘉節醉宮醪六合歡娛共一陶玉女斗邊呈笑
電仙人海上獻蟠桃和聲洋溢通丹禁瑞氣氤氳擁
赭袍試問後天何所似南山不動壽星高

會呂給事口號

良臣易失賢者難逢值旌旆之照臨合絲簧而宴喜
春容方盛人意相歡恭惟某官德比圭璋文成黼黻
出礪溪之慶胄生井絡之名區擢秀賢科升華禁從
提紫微之大筆冠青瑣之崇班今者移自真祠來儀

江國知郡學士久欽高誼喜接清標揮玉塵以交談
酌金壘而共醉但某云云

嶄嶄秀骨出岷山曾冠峩峩侍從班鼂董科名聞海
內常揚文采照人間鵬程暫息三千里駿足須歸十
二閑早晚便承宣室召湘江波穩送公還

密守上事口號

伏以華胄深沉久著名郡之風采朱輪赫奕今宣賢
守之恩威擇時日之方剛見吏民而伊始黃堂合燕
比屋均懽恭惟某官嶽瀆醇靈圭璋瑞器上應星辰
之次出分茅土之封擁皂蓋以班春握銀符而問俗

仙山在望已高作鎮之才雲海無涯漸布承流之化

但某云

云

史君四十已專城千里封疆偃旆旌里巷歡謠春正
好山川和氣雪初晴青氈傳世門風盛綵服承親土
論榮爲報郡民從此去家家歌舞賀昇平

衢州曹子方口號

間俗觀風屢握皇華之節承流宣化今懷太守之章
聞命卽行無施不可恭惟知府司勳相君賢裔華省
望郎文章咳唾於珠璣學問琢磨於圭璧昨者輟從
陝服來按湖邦外台之威采猶存遠俗之謳謠未泯

今者罷官五嶺赴鎮三衢望南徼之雲煙貼鳶安在
覽中州之氣象回鴈同飛知郡學士以大僕同僚兼
衡陽舊部特開宴豆用接朋歡瀟湘喜遇於故人牛
斗不遙於分野光輝連屬皆分千里之封談笑雍容
聊盡一時之樂但某云

華軒寶馬自南來漢相名家子建才嶺俗共瞻金節
遠鄉邦遙喜縉衣回涼搖湘水風生座綠染靈泉酒
滿盃乍到中州逢故舊笑歌何惜少徘徊

慶帥徐侍郎致語口號

建旄設旄恒赫元戎之節持橐簪筆雍容法從之班

允屬上才式膺聖選恭惟戶部侍郎天麟異稟仙殿
貫游無鬼高談皆根義理有功陰德宜大門閭入司
省戶之貨財出登將壇之風采果被紫書之溫厚復
居碧落之深嚴權府提刑學士留駐台旌廣開宴豆
表父老戀軒之意慰蕃夷卧轍之心但某官矇督賤
工鏗鏘末藝輒陳口號上悅尊顏

詔入中台作貳躡班衣仍侍板輿行久晴瑞雪清塵
土近闕春風引旆旌大木尙思馮異坐甘棠已有召
南情期公便躡台階去常以餘光照陝城

三孔集校勘記 用錢塘丁氏八千卷樓鈔本水北孔氏家刻本互校

舍人集

卷一 首葉四行秋夜丁本作秋月誤 二葉二行南都下水北本脫途中二字 十一葉入行丁本無及其衰也以下四句多吳楚盟齊晉五字 十七葉十行兩也字疑衍 二十二葉三行更飭行以自勉丁本作雖言而無補 二十三葉九行水北本脫苟求所以明道一句

卷二 五葉以後丁本無唐太宗論唐明皇論唐文

宗論三篇

宗伯集

卷二 十八葉十行贈下疑脫君字 十九葉以後
丁本無白公草堂次首又闕三峽橋嘉魚遇風晚
步西園奉酬李時發共四首

卷四 五葉黃魯直送茶後掬目錄尙脫詩三首送
邵彥瞻一首亦疑不全 十二葉十行傳上當從

目錄補蒲字

呂補

卷五 六葉六行末日字當作力改 七葉十二行古
字疑是杏字之譌改 十六葉十五行已字疑是九
字之譌

卷六 八葉城上亭子後一首當入古體 九葉六

行希猶疑倒

卷七 四葉十九行久當作日改 十七葉春遊三首

丁本無五行王字疑是三字之譌

卷八 十七葉十七行袁水北本作王 十九葉十

三行伏蒙下疑脫官名

卷九至卷十二 制表奏狀啟狀記五體水北本俱

缺

卷九 首葉六行事下疑脫於字 二葉七行之下

丁本重衍之字今去 三葉十一行皇上當補賀

字 十三葉七行已當作知十行過當作進 十
六葉十二行入字疑是八字之譌 十八葉至末
葉進物狀三篇丁本編入表類今移此

卷十 四葉七行以下丁本重衍以字今去 五葉
十一行御當作貽十八行惡當作惡 六葉九行
之職上疑有脫文 七葉十八行遐上疑脫居字
十葉十五行東下疑脫遂字 十三葉八行何
極當作曷極 十七葉末行識議二字疑倒 十
八葉四行時上疑有缺字 十九葉七行英豪下
又十一行攬轡下均有缺文 二十二葉七行取

人下有脫文九行其宜當作之方 二十五葉八
行官字疑是宣字之譌 二十七葉二行類字疑
是賴字之譌 改

卷十一 二葉末行小注當作正文 十葉四行某
官二字當移上文恭惟之下 十二葉十二行珉
字上下十八行撫下均有缺文 十三葉末行文
辭下有缺文 十五葉七行所當作極十行貴當
作儒 按以上兩卷皆係啟狀宋人文體凡進陳
於上者曰奏狀同輩相貽曰啟狀啟與狀雖是一
體而卷中或題啟或題狀或並不題啟狀殊不畫

卷十二 十二葉十四行江湖据下文當作九江

卷十三 首葉單拯字序水北本前後脫二百六十

餘字 三葉十三行子之下當有來字 四葉五

行治當作通 七葉十五行變當作遠 八葉三

行相下疑脫與字 十葉十三行口疑哦之破字

十二葉五行盡疑蓋之破字

卷十四 二十三葉論華軼王恭事舊編入書後類

今移此 二十四葉論介子推舊編亦入書後此

與前介之推當是一篇篇首加一且字與前篇合

讀一氣呵成未可割裂爲二今移附卷末

卷十五

五葉

至

七葉栗榴橄欖及杜克明李子堅

謝安六銘均當作贊 末葉十一行行學疑倒

卷十六

首葉七行湖西疑是湘西之譌下同 二

葉十七行水北本脫子之勳不銘於司常之旂乎

一句 九十兩葉書離騷後書杜子美詩後二篇

舊編在雜著今移此 十五葉十二行水北本脫

雖漢室三字 二十葉十三行也當作者 二十

二葉書石晉紀後水北本缺二十八字

卷十七

首葉祈晴文二篇水北本無了本編在制

類 六葉五行參政上摺目錄當有唐字八行他
當作人 七葉八行驅當作論 八葉十七行將
字疑是攸字之譌

朝散集

卷一 首葉戰彭城賦水北本中間脫二百零二字
二十三葉首行襲罵下水北本注云子明每棋
敗語則襲 二十四葉八行嫌當作愛

卷二 首葉十二行轍字疑是輟字之譌 十三葉
十七行之當作今 二十一葉首行羗廬丁本作荒廬
卷三 五葉五行蓋字疑是益字之譌 七葉七行

洎當作清

改

十四葉十七行焉當作搖

十八葉

詠橘以下丁本編在卷一待月後

二十四葉

行忽當作忽

卷四 首葉七行深泥疑倒

改

九葉四行營字疑是

榮字之譌

卷六 八葉八行帖字疑是帖字之譌

卷十一 十一葉二行者當作則 十七葉五行有

當作在 二十一頁十入行精字疑是情字之譌

卷十二 六葉二行事當作公三行與字疑是庫字

之譌 十九葉九行並當作同

卷十三 首葉十九行規字疑是觀字之譌後同

五葉末行認字疑是識字之譌 七葉三行分疑

汾之破字 十一葉三行昏字疑是民字之譌

卷十四 三葉十行暗字疑是眠字之譌 七葉十

九行儒字疑是復字之譌 十一葉十八行者字

疑當作此以草寫而譌 十二葉七行映當作庇

十九葉十五行欲當作政 二十二葉九行隅

當作隅

卷十五 九葉末行彙字當是古寫海字 十葉五

行幅當作翦 十五葉末行得當作取

三孔集以王邁所編四十卷本爲最古計文仲
集二卷武仲集十七卷平仲集二十一卷卽四
庫總目所收歷時滋久世不多見其後嘉慶丁
丑孔氏後人出其家藏抄本刊於水北內缺武
仲文四卷平仲文六卷其未缺者亦多譌脫讀
者憾焉丁巳三月予從南京圖書館假得丁氏
抄本細讀一過武仲所缺制表奏狀啟記各若
干首具在亟錄以歸而平仲文求之各藏書家
迄無完本貽書京友向四庫傳抄亦與丁本無
甚殊異姑將已獲兩本校其異同先行付刊凡

丁本誤者從水北水北誤者從丁兩本俱誤輒以己意斷之其不能斷者別爲校勘記以俟知者予嘗私告四庫館臣不應以合刻爲選本人總集因各就所居之職改題文仲曰舍人集武仲曰宗伯集平仲曰朝散集使可分可合異時訪得平仲佚文當附刻於後朝散詩勝於文宗伯文勝於詩舍人詩文不多而大廷一剗獨有千古廟之三蘇二程之間海無愧矣戊午冬十月新昌胡思敬跋